

Mohd Amirul Kasyful Nur bin Zulkifli

From: UUM CORPORATE COMM.
Sent: 26 Ogos 2021 14:11
To: UUM - All Staff; UUM - All Students
Subject: UUM – Maxwell CFM International Bina Kerjasama Strategik



UUM Corporate Comm.
Universiti Utara Malaysia

26 OGOS 2021 / 17 MUHARAM 1443H
=====

"UUM : UNIVERSITI PENGURUSAN TERKEMUKA"
(THE EMINENT MANAGEMENT UNIVERSITY)

Berita dan gambar oleh: Mohammad Faizal Azid

UUM – MAXWELL CFM INTERNATIONAL BINA KERJASAMA STRATEGIK

UUM ONLINE: Kerjasama strategik antara Universiti Utara Malaysia (UUM) dan Maxwell CFM International dilihat berupaya untuk memberi impak positif dalam meningkatkan lagi pencapaian kedudukan UUM di persada antarabangsa.

Maxwell CFM International merupakan sebuah syarikat pengurusan fasiliti bertaraf antarabangsa yang diketui oleh alumni UUM, Arvagara Pavithran Subramani selaku Ketua Pegawai Eksekutif.

Timbalan Naib Canselor (Penyelidikan dan Inovasi), Prof. Dr. Haim Hilman Abdullah berkata, UUM mengalu-alukan inisiatif kedua pihak untuk menjalinkan kerjasama bagi manfaat bersama.

Menurutnya, menjadi satu kebanggaan bagi UUM juga apabila alumni UUM yang mengetuai syarikat bertaraf antarabangsa berminat untuk kembali menyumbang bakti kepada alma mater.

Dalam pertemuan tersebut, Maxwell CFM International telah membentangkan peluang kolaborasi strategik bersama UUM yang melibatkan bidang perniagaan, penyelidikan, pendidikan dan MyEFM (Malaysia-Europe Facilities Management Initiative).

Manakala UUM yang diketuai oleh Prof. Dr. Haim Hilman telah membentangkan pelan cadangan kolaborasi strategik UUM bersama pemain industri secara amnya dan Maxwell CFM International secara khususnya. Antara program yang dibentangkan beliau ialah program SPICE (Special Project Initiative for Industry & CoE), IDEAS (Industry Driven Education for Advancement & Sustainability), MENTOR (Management Education for Organizational Reform) dan program STRIKE (Strategic Transnational Research & Innovation for Knowledge Enhancement).

Pada sesi itu, Prof. Dr. Haim Hilman Abdullah juga berharap lebih ramai alumni UUM bersedia untuk kembali menyumbang bakti kepada universiti bertuah ini dan besar harapan agar Arvagara Pavithran Subramani selaku alumni dan pemain industri dapat bersama-sama UUM menjayakan segala potensi yang ada terutamanya dalam bidang pengurusan fasiliti.

Turut serta, Profesor-profesor, Dekan-dekan Pusat Pengajian, Ketua Pusat Tanggungjawab (PTJ) dan Pengarah-pengarah CoE yang juga memberikan pandangan yang melibatkan kerjasama strategik penyelidikan, program latihan eksekutif, pertukaran pelajar dan staf UUM dengan pihak industri dan libat urus pihak industri dalam membangunkan kurikulum bidang pengajian.

Pusat Pengajian Pengurusan Teknologi dan Logistik (STML) melalui Pusat Kecemerlangan Penyelidikan CoE, Disaster Management Institute (DMI) akan menjadi sekretariat kerjasama strategik yang bakal diterokai kedua pihak.

UUM
CORPORATE COMM.

☎ 04-928 3039/3040/3097/3042/3052/3048/3049
☎ 04-928 3053
✉ ukkuum@uum.edu.my
📍 Universiti Utara Malaysia (Official FB)



Please consider the environment before printing this e-mail



Universiti Utara Malaysia Official Website <http://www.uum.edu.my>

Disclaimer: This e-mail (including any attachments) may contain confidential information. If you are not the intended recipient, you are hereby notified that any review, distribution, printing, copying or use of this e-mail is strictly prohibited. If you have received this e-mail in error, please notify the sender or Universiti Utara Malaysia (UUM) immediately and delete the original message. Opinions, conclusions and other information in this e-mail that do not relate to the official business of UUM and/or its group of companies shall be understood as neither given nor endorsed by UUM and UUM accepts no responsibility for the same. All liability arising from or in connection with computer viruses and/or corrupted e-mails is excluded to the fullest extent permitted by law.